

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 06/10/2022

Pwynt Agenda	Prif drafodaeth	Pwyntiau Gweithredu
Ymweliad ag Ymatebwyr Cyntaf Crymych	• Dydy'r Ymatebydd Cyntaf ddim wedi bod yn cael eu galw allan mor aml ers Cofid, ac yn enwedig yn fwy diweddar. Mae rhai pobl leol wedi codi pryderon am hyn yn ddiweddar. • Roedd yr Ymatebydd Cyntaf yn cael eu galw mas i helpu pobl â phroblemau anadlu neu broblemau gyda'r galon i ddechrau, erbyn hyn maen nhw'n cael eu galw mas ar gyfer galwadau am bobl yn cwmpo hefyd. • Roedd rhaid i'r Ymatebwyr Cyntaf gael hyfforddiant ychwanegol ar gyfer hyn, yn eu hamser eu hunain ac yn ddi-dâl. • Call handler y gwasanaeth ambiwlans sy'n penderfynu i ddanfôn ambiwlans neu'r Ymatebydd Cyntaf, trwy wrando ar alwadau. • Mae problemau gyda'r gwasanaeth ambiwlans gan fod prinder gwelyau mewn ysbytai ac ambiwlansys yn gorfod aros tu fas i ysbytai nes gallu gadael cleifion yn yr ysbyty. Os nad oes ambiwlans yn lleol ond bod ei hangen mae criwiau mewn ardaloedd cyfagos yn cael eu galw felly gallai gwasanaeth ambiwlans Aberteifi gael eu galw i Abertawe e.e. • Mae'r Ymatebydd Cyntaf yn blaenoriaethu galwadau lleol. • Os oes tân, Gwasanaeth Tân y Canolbarth a'r Gorllewin sy'n penderfynu a oes angen Ymatebydd Cyntaf neu ambiwlans ac mae criw yr Ymatebydd Cyntaf yn cael gwybod yn syth os yw'r frigâd dân yn cael ei galw mas.	

	• Mae gan y Cyngor Fwrdd Gwasanaethau Cyhoeddus ond awgrymwyd nad yw gwasanaethau'n cyd-gysylltu. • Mae Ymatebwyr a chriw tân yn brin yng Nghrymmych, ac mae peidio cael eu galw mas yn gwaethygu'r sefyllfa. a Dydy'r Ymatebwyr Cyntaf ddim yn cael llawer o arian am yr hyn maen nhw'n ei wneud chwaith felly does dim byd i annog pobl i ymuno.	
1. Croeso ac Ymddiheuriadau	Presennol: Aled Johnson, Bill Davies, Cris Tomos (Cadeirydd) Eirlys Twigg, Hywel Lewis, Melony Richards, Roger Howells, Shôn Rees, Bethan Williams (Clerc) Ymddiheuriadau: Iwan Evans, Robin Davies, Michael	
2. Parc Crymmych	Ymunodd Iwan Ward, Matthew Parry a Bethan Parry â'r cyfarfod • Daeth y les ar gyfer y parc chwarae Crymmych i ben yn 2011 ond mae'r parc yn ngofal y cyngor cymuned o hyd. • Roedd rhai trigolion yn awyddus i gymryd gofal dros y parc a'i wella cyn Cofid. Roedd cynlluniau i wella'r offer a chreu 'pump track'. Fe wnaeth Cofid atal cynlluniau ac erbyn hyn mae costau wedi cynyddu yn sylweddol. • Mae'r rhai ddaeth i'r cyfarfod yn awyddus i godi arian a chwilio am grantiau ar gyfer offer, ond mae costau blynyddol o £1348 ar gyfer archwilio'r offer ac yswiriant. Byddai'n anodd codi arian yn flynyddol ar gyfer hynny felly gofynnwyd i'r cyngor Cymuned ystyried talu hwnnw. CYTUNWYD bod y Cyngor Cymuned yn talu costau blynyddol cynnal a chadw. • Mae'n rhaid i'r Cyngor Cymuned gael Yswiriant Atebolrwydd Cyhoeddus (Public Liability Insurance) felly mae angen edrych	

	i weld a ydy polisi'r cyngor yn cynnwys unrhyw barciau, fel nad ydyn ni'n talu am ddau bolisi. • Er mwyn cymryd y les bydd angen i unrhyw grŵp ddod yn gwmni cyfyngedig neu yn elusen gofrestredig. • Bydd y grŵp yn lleol yn galw cyfarfod agored i unrhyw un â diddordeb er mwyn ailgydio mewn pethau a cheisio symud ymlaen i gymryd les y parc. • Mae angen yr un drafodaeth am y parc yn Hermon, ar hyn o bryd y Cyngor Cymuned sy'n talu am archwiliad a chynnal a chadw ar hyn o bryd, a does dim cynlluniau i wella neu newid y parc felly yn ddelfrydol mae angen pobl i gymryd y parc yn Hermon ymlaen hefyd. • Mae tir yn Maes Meigan allai gael ei ddefnyddio ar gyfer parc hefyd, mae angen holi a fyddai diddordeb gan rai sydd yn byw yna yn hynny.	Bethan i edrych ar bolisi yswiriant y cyngor cymuned i weld a ydy'r parciau yn dod dan y polisi
3. Cofnodion y cyfarfod blaenorol	 2022/09/01 Cynigiodd Melony eu bod yn gywir, eiliodd Cris ac fe'u derbyniwyd fel cofnod cywir.	
4. Materion yn codi o'r cofnodion	Men's Shed Does dim byd wedi dod nol gan y Men's Shed am eu cynlluniau i addasu'r sied yn Hermon. College Green Roedd rhywun o'r cyngor i fod i fynd mas, a Shôn yn aros i glywed nol ond mae'r person sy'n rhentu'r tŷ yn dweud bod popeth yn iawn yno. Cronfa Beni Edwards Mae Bethan yn aros i glywed nol gan Arwyn Rees, gan mai fe yw ymddiriedolwr yr elsusen.	

	Swydd Swyddog Datblygu Lleol • Mae'r hysbyseb wedi ei greu a'i rannu drwy rwydwaith Un Llais Cymru a rhwydweithiau lleol. • Rhannwyd copïau papur hefyd, i gynghorwyr dynnu sylw unrhyw un allai fod a diddordeb. Heddlu • Bydd PCSO yn dod i gyfarfod Tachwedd, y a byddan nhw'n dod deirgwaith y flwyddyn wedyn. • Bydd angen ychwnaegu adroddiad gan PCSOs lleol ar agenda Mawrth, Gorffennaf a Thachwedd Cafnau Blodau Mae'r tendr ar gyfer plannu blodau yn y cafnau blodau wedi ei baratoi a'i rannu. Baner i longyfarch Ioan a Garan Croft Trefnwyd hyn a nodwyd ei fod yn edrych yn dda. Ffens Maes Meigan Doedd Shôn ddim wedi cael gwybod bod bwriad rhoi ffens mor fawr tu fas i un o dai Maes Meigan ac mae wedi codi'r mater gyda swyddogion y cyngor er mwyn ei newid. Golau Maes Meigan Doedd golau newydd ddim yn gweithio ond maen nhw wedi eu trwsio erbyn hyn. Ffordd Portland • Mae BT wedi deryn mai nhw sy'n gyfrifol am drwsio;r rhewl ac wedi dweud y byddan nhw'n gwneud y gwaith. • Does dim dyddiad pendant ar gyfer gwneud y gwaith ond mae disgwyl iddo gael ei wneud erbyn diwedd y flwyddyn.	
5. Gohebiaeth	(i) Canolfan gwastraff Hermon • Mae'r ganolfan yn symud i oriau Gaeaf ta beth felly bydd hi ar	

	agor ar ddyddiau Mercher a Sadwrn o fis Hydref. - Mae modd archebu slot ar gyfer yr un diwrnod erbyn hyn hefyd. (ii) Steddfod Crymych 2023 - Daeth cais am gyfraniad at gostau cynnal Eisteddfod Crymych y flwyddyn nesaf. - Cynigiodd Eirlys ein bod rhoi £200, eiliodd Hywel a chytunwyd i gyfrannu £200.	
6. Cyfyngiadau cyflymder yn Hermon	- Roedd rhywun sy'n byw yn Hermon wedi cysylltu gyda'r Cyngor Sir i ddweud bod angen rhywbeth i arafu traffig ar y ffordd i mewn i Hermon o gyfeiriad Crymych. Cyfeiriodd y cyngor nhw at y cyngor cymuned. - Mae'r person yn awgrymu bod angen rhywbeth tebyg i beth sydd tu fas i Ysgol y Frenni tu fas i bentre Hermon, fel bod pobl yn arafu fel maen nhw i fod. - Bydd Shôn yn galw gyda'r person sydd wedi codi'r mater. - Cytunwyd bod angen siarad gyda phobl eraill sy'n byw ar bwys, i holi eu barn nhw am y broblem a beth hoffon nhw weld yn cael ei wneud. - Nodwyd bod y rhewl yn cael ei gwella ac y bydd cyfyngiadau o 20mya yn cael eu cyflwyno o'r flwyddyn nesa ac y gallai'r ddau beth yma wneud gwahaniaeth.	
7. Cynllunio	(i) Brolas, Crymych - New agricultural building Dim gwrthwynebiad (ii) SA41 3QY - Construction of an agricultural building (pre-application) Dim gwrthwynebiad	
8. Cyllid	Roedd £17,321.79 yn y banc ddiwedd mis Medi	
9. Dyddiad a lleoliad y cyfarfod nesaf	7pm Nos Iau Tachwedd 3 Llyfrgell Crymych	

10. UFA	(i) Gwahodd pobl ifanc i ddod i gyfarfodydd Cyngor Mae prosiect yn cael ei gynnal i geisio cael pobl ifanc i gymryd diddordeb yng ngwaith y cyngor cymuned. Cytunwyd i ofyn i brif swyddogion Ysgol y Preseli i ddod i gyfarfodydd a rhoi'r cyfle iddyn nhw roi eu barn ar beth sy'n cael ei drafod a chodi unrhyw beth maen nhw eisiau. Bydd yn gyfle iddyn nhw weld beth mae'r cyngor cymuned yn ei wneud hefyd. (ii) Gwobrau Chwaraeon Sir Benfro Mae Gwobrau Chwaraeon Sir Benfro yn gofyn am enwebiadau. Cytunwyd bod y cyngor cymuned yn enwebu loan a Garan am wobr. (iii) Golau Nadolig • Cytunwyd bod angen addurno tu fas i Neuadd y Farcet eleni eto. • Cytunwyd i gyllid o tua £100 ar gyfer golau. (iv) Cinio Nadolig Cytunwyd i gael cinio ar Ionawr 13, i nodi'r Hen Galan (v) Rhandiroedd Hermon • Bydd hi'n bryd i bobl dalu rhent am y rhandiroedd yn Hermon cyn hir. • Mae angen danfon llythyr at bawb sydd â rhandir ar hyn o bryd i ddweud bod pobl ar restr aros ac i gadarnhau eu bod nhw eisiau parhau â rhandir. • Mae cytundeb gan Vicky Moller y gallwn ni addasu ac yna gofyn i unrhyw un sydd eisiau rhandir ei arwyddo. (vi) Clawdd yn Hermon • Mae angen torri clawdd ger yr arosfan bws hefyd. • Mae Garry Phillips wedi gwneud yn y gorffennol felly cytunwyd o ofyn iddo fe wneud eto. (vii) Clos y Gafel	Cris i gysylltu gyda phrif swyddogion Ysgol y Preseli i'w gwahodd i gyfarfod. Cris Tomos i holi am gopi o'r cytundeb
----------------	--	--

	• Nodwyd bod loris yn goryrru a bod ceir yn pasio'i gilydd wrth ddod i'r pentref. • Mae'r cyngor yn ymwybodol o'r broblem ac yn gweld bod angen gwneud rhywbeth amdano. • Bydd beic modur â chamera cyflymder yn mynd mas â phlant mewn siacedi melyn i dynnu sylw pobl at beryglon goryrru. (viii) Gwteri Maes Meigan • Mae gwteri yn Maes Meigan yn gorlifo. • Roedd Eirlys wedi codi hyn gyda Shôn, ac roedd disgwyl i rywun ddod mas i'w clirio ond doedd neb wedi bod felly mae angen dilyn hyn lan. (ix) Twmpathau • Mae Shôn wedi siarad gyda swyddogion y cyngor am y twmpath sy yn rhy isel, ers ei leihau. • Yn ôl y cyngor does dim byd i'w wneud am y tro ond bydd yn cadw llygad ar y mater a bydd Shôn yn diweddarau fel sydd angen.	Shôn i ddilyn lan am glirio gwteri Maes Meigan
--	--	---